

Dinfwngz Caeuqguh Aennyenz Bouxcuengh

□ Maj Veiyungz comz hoiz



Aennyenz dwg minzczu vunnznoiz baihnanz ciuhgeq guek raeuz caeuq mbangdieg Dunghnanzya cungj doxgaiq ciuhgeq ceiq miz daiq-biujingq ndeu, daengz seizneix gaenq miz song cien lai bi lizsij lo, gwnzbiengz suenq dwg Guengjsae raen miz ceiq lai, dieg miz nyenz caemh ceiq lai, Hozciz Si couh ndaej aen mingzdaeuz ndei "mbanjranz aennyenz daengx biengz", dangqnaj daengx seiqgyaiq gij nyenz louz ndaej roengzdaeuj haenx gungh 2400 lai aen, Hozciz couh louz miz 1400 lai aen lo. Dinfwngz caeuqguh aennyenz youq mwh Mingzciuz Cingciuz couh saetcienz lo.

Hozciz Si Vanzgyangh Mauz-nanzcu Swciyen Sangcauz Segih Mbanjbanjaiz nungzminz Boux-cuengh Veiz Gijcu, Veiz Gijsanh song beixnuengx, aeu cungj fuengfap caeuqguh vunqsa gung roengz gvan youh gvan hojnanz mwh caeuqguh aennyenz, youq bi 2003 ndaej caeuqguh baenz le aennyenz yiengh Mazgyangh. 10 lai bi daeuj, song beixnuengx de gonqlaeng caeuqguh

aennyenz hunghung iqiq 10 lai fanh aen, gai bae daengz Fazgoz, Dungh-nanzya daengj dieg.

Veiz Gijcu song beixnuengx faenbied youq bi 1963 caeuq bi 1965 doekseng, ndawranz daj ciuhgeq daeuj couhdwz ranz caeuqguh, dax-goeng daxboh dwg canghcaeuqguh maenh'ak. Bi 1985, song beixnuengx de couh youq daxboh sonyinx lajde hainduj aeu vunqnaez, vunqsa caeuqguh reklij rekhang, riengzlaeng geij bi couh ei gij yiengh doxgaiq ciuhgeq caeuqguh cenjgoujlungz doengz, batsongbya doengz daengj cungj ndaej baenz. Bi 2000 hainduj, song beixnuengx de caenhrengz bae gunggvn caeuqguh aennyenz, daj leh sa daengz guh aenvunq, caiq daengz baenzdauq hong caeuqguh, cungj fanfoek bae naemjngvanh, fanfoek sawqguh, deng saetbaih baez dem baez geq mbouj sat gvaq le, gag cauqguh baenz dauq vunqnyenz miz aendaiej, mbok-gyongxrog, vunqbyuknyenz, mbok-gyongxndaw, vunqnajnyenz caeuq vunqgoemq gag miz daegsaek naek-gywg haenx, dauqdae youq bi 2003 ndaej dwkbyoengq hungloet, caeuqguh baenz le aennyenz yiengh Mazgyangh lumj aen caen nei.

Youq gwnz giekdaj neix, Veiz



▲ Veiz Gijcu (boux swix) caeuq gyoengq doih caeuqguh aennyenz.

▲ Guhbaenz aennyenz hung ndaej geiq haeuj Giznizsw seiqgyaiq geiqloeg.



▲ Bouxhong guh aen vunqsa.



▲ Bouxhong guenq raemx-doengz caeuqguh aennyenz.



▲ Bouxhong geuh aennyenz hwnjdaeuj.



▲ Bouxhong cat aennyenz lwengrongh.



▲ Veiz Gijcu oenq-lienh raemxdoengz.



▲ Caeuqguh aennyenz miz hung miz iq.



▲ Veiz Gijcu cazyaw aennyenz ngamq guhbaenz.



▲ Aennyenz cat caengz caetndaem ndeu.